

十朝东华录

十朝东华录

咸豐東華錄三十一

臣王先謙敬編 臣陶澐宣恭校

咸豐四年甲寅春正月辛丑朔陝西巡撫王慶雲奏報到任日期得旨汝外省情形尚不甚熟事事總要虛心處處皆要留心積誠相感數月後自可貫通○王寅袁甲三奏賊匪新得廬州聞城內米糧尙足火藥柴草均已缺乏之乘其根基未定指日以大兵臨之或可收功且夕萬一根深蒂固又將勞師糜餉應請旨迅發大兵併力廬城剋期會剿並請明降諭旨何人能出兵即歸何人統帶不得以勢分相臨不得以意氣用事提和春 聖心之所簡在鍾江忠源之後者庶幾在此 臣思江忠源謀勇兼全此次孤軍嚴守三十六日卒以援將不前而殞其命 臣檢其來書及咨會奏臺書一已盡瘁匪躬無一語歸咎於人無愧古之純臣查其弟江忠濟江忠溶隨同剿賊久歷戎行所帶楚勇皆能用命請特旨激以公義動以私忿將江忠濟江忠溶等優予卹職即署安徽軍營會剿當可備將材之選並請飭會國藩迅帶礮船練勇由湖北九江而來與北兵會合作水陸夾擊之勢又刑部郎中李文安奉旨回籍督帶鄉勇協辦防剿該員原籍距臨淮一百餘里情形熟悉呼應較靈 臣即令其駐守臨淮聯絡鄉團藉壯聲威可謂得力又奏陝甘總督舒興阿於廬州告警之初已蒙飭令赴援並令將所帶之兵酌分和春乃該督擁兵自衛誓不肯分調接和春來信述及該提督紆道親赴伊營面商一切該督堅持成見不惟不分自帶之兵即他人之兵亦不允其抽調致令和春束手無策甫到店埠而廬州已報失守江忠源守城逾月屢向舒興阿告急該督不肯前進況本月初十日前後江忠源屢戰獲勝賊勢已衰城門時啟時閉我兵若乘勢環城亦可藉圖牽掣舒興阿一步不進紮營西北路賊即由西面陷城謂非庸懦而何 臣奉到諭旨據舒興阿奏初次進剿即獲大勝查該督之摺係上年十二月初九日拜發初九日以前探報未聞有該督接仗獲勝之事即江忠源初九日來信亦未提及一字不知其所謂大獲勝仗如何陳奏是其任性偏執復敢捏詞飾奏致令廬郡一失中原大局幾難收拾應請速伸乾斷治以應得之罪勿令再誤事機 上諭內閣前任安徽巡撫江忠源之弟江忠濟江忠溶管帶楚勇疊次剿賊均屬出力江忠濟業經加恩以知府用六品銜江忠溶並著加恩以知州用仍令管帶兵勇隨同剿賊以副朕篤念忠藎之至意○諭前因舒興阿救援廬州不力又不撥兵交和春統帶以致郡城失守降旨將舒興阿革職令其戴罪自效因思此等畏葸無能之員即畱置軍營亦屬無益著和春飭令舒興阿即行回旗不准逗畱該革督所帶之兵前已有旨統歸和春管帶著即督率各路將弁兵勇迅圖克復廬州如有不遵調遣者即著以軍法從事○諭毓通奏喀喇沙爾土爾扈特盟長署理汗印喀屯鄂克庫濟拉噶爾以見在籌備軍需具呈情願捐銀五千兩哀惻出於至誠深堪嘉尚惟念該汗等此項銀兩藉資生計若無庸賞收以示朕務恤蒙古之至意○諭軍機大臣等勝保前奏十八日進仗時連放神威礮因下藥太多以致震裂管礮章京黃周賓即時陣亡各等情朕即決其是日進仗必係失職無疑批令據實明白回奏本日據該大臣覆奏裂礮三尊礮兵因係廢物未及護回是果有失職情事而該大臣仍未肯明言支吾掩飾顯有不實不

盡著再據實覆奏毋稍含糊至各路防兵屢次諭令嚴密堵截何以任令賊匪占踞于家莊等村究係向何路竄出著即查明帶兵之員據實嚴參此股零匪僅有數百人官兵見已將賊匪圍困該大臣又派兵前往剿截務即嚴飭各路將弁趕緊將此股剿洗淨盡儘再有疏失仍令竄逸惟勝保是問據奏進攻賊巢情形屢云賊勢窮蹙已極粉飾鋪張敷衍塞責而至今賊勢仍屬兇悍勝保督兵已逾三月尚未能掃穴擒渠自問於心能無愧乎總之朕惟以剿滅賊匪為慮豈徒虛言所能了事耶見在已屆新歲勢難再寬時日著即乘機進剿迅殄賊氛無得再事遷延致干重罪將此由六百里加緊諭令知之○諭袁甲三奏賊陷廬州請急圖克復一摺自廬郡失守疊次諭令和春督兵進剿並令其總統諸軍俾事權歸一以專責成據袁甲三奏廬州城內米糧尙足火藥缺乏正可乘逆匪守禦未備力圖克復不可專待薩炳阿奏定三之兵遷延時日致該逆又成負隅之勢總兵郝光甲楊青鶴皆係舒興阿軍營帶兵之員如果不知奮勉著和春即據實嚴參江忠源為國捐軀每一念及不勝悼惜其弟江忠濟江忠潛隨同江忠源管帶楚勇屢著勞績一門忠勇實屬可嘉著和春即將本日所降恩旨傳知該員等加以激勵俾令仍帶兵勇隨同該提督剿賊若能始終出力不難優與恩施福濟見授安徽巡撫實無旁貨務即帶兵前往與和春合力剿辦毋得僅以道塗阻滯供應缺乏藉詞不進致誤事機臨淮關一帶即責成刑部郎中李文安督帶兵勇實力防剿其長淮衛十里城沫河口老鵲河等處應否撥兵堵禦著和春迅籌布置以杜逆匪北竄之路和春身為統帥務與福濟激勵兵勇迅速進剿毋稍延誤其河南陳州與皖省連界等處擒匪已諭英桂飭令徐廣緒牛鑑相機剿辦矣將此由六百里加緊各諭令知之○諭本日據袁甲三奏請令會國藩督帶兵勇船廠由九江直赴安徽安慶刻下賊數無多或先克復安慶亦可斷賊歸路等語廬州為南北要衝見在為賊所據必須乘其喘息未定趕緊進剿遏賊紛竄之路會國藩製辦礮船並所募楚勇數千人此時諒已齊備著即遵前旨迅速由長江駛赴安徽會同和春福濟水陸並進南北夾攻迅殄賊氛以慰廬念將此由六百里加緊諭令知之○袁甲三奏西路擒匪前因臣移營宿州二百里外該匪復圖嘯聚當經飭派文武督帶兵勇往剿嗣據參將朱連泰等稟報該匪巢穴均在亳州之義門集一帶先因查拏緊嚴匪黨多已聞風解散其未散者在楊家塘等處百餘里內統計官兵接仗八次除該匪自相踐踏不計外共格殺轟斃三百餘名生擒擒首擒夥葛豹馬長德等二百三十五名並經委員知縣顧思堯在德寺一帶督飭各鄉團練拏獲正法者二百十二名見因廬郡告陷宿州喫緊臣回宿後將徐曉峯等所帶兵勇三百餘名暫行撤回仍留顧思堯帶兵四十名督團按捕惟穎郡西南鄉與豫省交界地方搶首李士林糾合多股勢頗猖獗見據該紳民疊次來宿額求而時勢所迫不能分身前往應請飭令河南巡撫速飭附近文武酌帶兵勇越境捕剿免致蔓延其在逃勇目李三關即李應青本係泗州人疊犯重案屢拏未獲本年春間帶數百人逃往揚州投充鄉勇打仗出力已保守備見自揚營潰逃於靈泗交界之高家集仍以招勇為名已聚二三千人又於村外修築土城蹤迹叵測人心頗為驚惶見已派臧紆青會同靈璧縣酌帶兵勇前往以查拏別案為名密遣偵探入其巢穴設法殲擒上諭前有旨令牛

鑑馳赴陳州等處與徐廣緝捕擒匪見在廬郡失陷皖省軍務正當喫緊之時而潁州搶首李士林糾合多股勢甚猖獗袁甲三已移營宿州潁州西南鄉與豫省交界地方距宿州四百餘里計程較遠自應就近由河南派員督辦免致蔓延著英桂卽飭牛鑑徐廣緝帶兵勇越境掩捕無分畛域以期迅速剪除勿令勾結爲患其河南防堵事宜卽著英桂督率將弁並地方官實力防範不得稍有疏虞致干罪戾將此由六百里諭令知之○諭前因舒興阿奏軍餉將次用竣諭令張祥河迅速籌款解赴軍營諒已遵照辦理見在廬郡失守正當軍務喫緊之時需餉浩繁儻有缺之所關非細著王慶雲仍遵前旨督同藩司迅卽籌撥銀十萬兩派委幹員解赴和春軍營應用並著該撫寬爲籌備源源接濟無誤要需將此由六百里加緊諭令知之○僧格林沁奏賊撲王家口如探有北犯確信卽至固安截剿得旨前路逆情隨時探聽仍應會剿爲是見在西面雖有竄出之賊尙有伊勒東阿等儘數防剿汝可速定進止於接奉批回摺卽行覆奏○實授勇榮陝甘總督○癸卯僧格林沁奏據副將史榮椿等稟報探得賈口村南張家莊一帶賊匪出沒隨卽列隊堵截加意嚴防本月初一日突見獨流賊匪撲出三四十人該副將等帶兵迎擊開放大礮該逆渡冰拒敵我兵奮勇攻擊斃賊三百餘名餘匪退回獨流又據駐紮王家口之副都統那敷德呈報竄出逆匪見今占踞東河頭梁頭等莊該副都統嚴兵以待該逆並未出撲臣思此時逆匪向西奔竄實有分布各營迎頭圍擊以杜潰竄至節次打仗出力官兵容俟查明保獎其賈口村民同深敵愾業經撥銀犒賞上諭軍機大臣等前有旨令僧格林沁統帶馬步各隊移營前進與勝保合爲一軍昨據該大臣奏靜海逆匪意圖西竄擬仍由武清橫至固安攔前截剿已於摺內批示矣見在西路本有伊勒東阿所帶官兵儘數防剿本日復命布彥泰馳往王慶坨後路之防愈形周密僧格林沁卽當迅速移營親赴前敵不得再有耽延推諉該大臣帶兵出京已及四月初時原爲勝保一軍足敷剿辦是以准其駐紮以障京師以見在情形而論非合力攻剿不能迅速殄滅若徒株守一隅何時蕞事著僧格林沁於接奉此旨後刻卽前進其北面防堵事宜卽交布彥泰督辦並將如何會剿情形迅速據實覆奏逆賊負隅已久萬不能再任稽誅該大臣若稍事遷延貽誤之罪不獨勝保一人當之也將此由六百里加緊諭令知之○諭前因廬郡賊勢猖獗節經諭令向榮將和春原帶之湖南親兵七百名飭令鄭魁士統帶赴皖復派奏定三管帶得力兵丁一二千名星馳赴援廬州關繫北路要衝若不迅圖剿滅於大局更不可問見在調到之兵半多未經戰陣恐出敵不能應手必致貽誤軍情著向榮懍遵前旨卽將湖南官兵並前調湖南得力之兵派委鄭魁士奏定三迅速管帶起程交和春調遣以資攻剿不准率行請留致有延誤其金陵鎮江應如何力籌堵剿之處仍著向榮周密布置及早攻克不得以分兵藉口稍涉疏虞致干重罪將此由六百里加緊諭令知之○諭據向榮奏請調廣東水師挖苦快蟹各船並水師得力員弁兼籌餉等語此事屢經降旨飭調該督撫屢次奏覆總以窒礙爲詞然向榮前在廣西目擊剿辦艇匪及見詢在營兩粵官弁均以粵東水師船隻爲得力且內外臣工條奏所見畧同江南賊匪騷擾經年患在腹心豈可再事延緩若以經費支絀畏難不辦或心存畛域藉詞堅拒該督撫素日辦事尙屬認真

眞不當如是著葉名琛柏貴按照向榮所奏悉心體察迅即選調外海水師挖罟船五十隻檄調副將梁顯揚等分起管帶剋日出洋速赴江南並飭屬趕緊招募快蟹船五十隻雇齊水勇隨同挖罟前往相輔協剿仍遵前旨諄勸伍崇曜龍元偕蘇廷魁或專任集捐趕辦或專司統領開行務期事在必行無任藉詞推諉儻能同心協力將大江賊艇與該省陸路各軍迅速會剿全數掃除則破格酬庸朕所不吝其福建截留駛回廣東修整之紅單船隻亦著查明趕緊修理完竣仍飭令陳國泰吳全美等管帶船礮由海路駛赴大江與此次選調各船一併前往協剿可望速殲醜類其調赴楚北之兵丁礮匠人等諒早已前往想會國藩可以帶赴安徽足資攻剿至頒給官票酌借軍餉一節並著安籌酌辦該督撫接奉此旨迅將辦理情形先行馳奏以慰朕念向榮片著鈔給閱看將此由六百里諭令知之○步軍統領聯順等奏郭懇案內疏忽之參將李長清等請摘頂帶得旨此案已隔多日何至今年始行參奏況南營將弁例不准擅入天壇是否另有別情藉端參處著明白回奏候旨行○會國藩奏前覆陳赴皖援剿情形仰蒙訓諭周詳惟見辦情形與臣之愚見尙恐聖明有未盡知不得不詳細陳明啟行之期未能遽定前派張敬修赴廣東購礮千餘尊分爲十起解楚雖頭起業經到衛後九起尙無信息所辦戰船新造者九十號改造者百餘號合之雇載者其四百號正月中旬當可完畢惟礮位至少亦須八百尊俟稍敷配用方能啟程黃州以下節節有賊水陸往援之兵不能遽達皖境日前兩奉援鄂之旨命籌備船礮肅清江面後兩奉援皖之旨命駛入大江順流東下直赴安徽見在黃州以下被賊占踞已成員囑之勢若舟師東下必須克復黃州攻破巴河靖清數百里江面賊船乃克達於皖境萬一黃州巴河之賊堅守抗拒則臣之到皖無期安徽待援甚急前劉長佑帶楚勇千餘名自湖北前往江忠濟帶勇一千名又有滇兵一千名均自湖南陸續前往計湘省援皖之兵已三千餘矣奉命由水路前往中有阻隔恐難掃蕩而前而統籌大局正宜堵截江面攻散賊船以保武昌查本年兩次賊舟上竄湖南防堵耗費甚多湖北江西亦各耗費數十萬三省合力防堵之說係江忠源與函內言之待南省船礮到鄂即與北省水師合力進剿係吳文鎔與函內言之是以前摺內聲敘茲奉到訓諭臣自度才力實屬不能而江忠源等之言臣以爲皆係切要之務該逆占踞黃州巴河一路其意常在窺伺武昌論目前之警報則廬州爲然眉之急論天下之大局則武昌爲必爭之地何也能保武昌則能扼金陵之上游能固荊襄之門戶乃能通兩廣四川之餉道若武昌不保恐成割據之勢爲今之計宜先合兩湖之兵力水陸並進以剿爲堵不使賊舟回竄武昌乃爲決不可易之策若攻剿得手能將黃州巴河之賊逐漸驅除步步進逼直至湖口之下小孤之關與江西安徽四省合防則南服猶可支撐之才力固不能勝之見解亦不及此此係吳文鎔略秉章江忠源之議論然舍此別無良策此次東下擬幫同吳文鎔照此辦理至所練之勇剿辦郴桂土匪不能遽行撤回自駐紮衡州以來本處土匪竄撲常甯藍山等縣城盤踞道州之四菴橋經派勇隨處攻剿先後撲滅復有一股竄入永興縣城亦經派勇往剿計勇在桂屬者千餘人在郴屬者八百人昨奉諭旨令督帶船勇速赴安徽常甯土匪責成略秉章妥辦自應欽遵辦理

惟桂屬工在接捕未便遽行更換郴州永興情形危急不能不星速進剿擬待船礮辦齊再將各勇撤回帶赴下游不至誤事臣以丁憂人員奏明不願出省辦事乃疊奉明旨飭令東征止以大局糜爛非臣子所敢避謝之時然攻剿之事實無勝算賊勢猖獗如此豈區區所能奏效茲奉批諭臣自維才智淺薄惟有愚誠不敢避死而已至於成敗利鈍一無可恃若違責臣以成效則臣惶悚無地與其將來毫無樹立受大言欺君之罪不如此時據實陳明受畏憚不前之咎臣既不能在籍終制貽譏士林若復以言債事貽笑天下臣亦何顏自立於天地間乎伏乞聖慈憐臣進退兩難誠臣以敬慎不違責臣以速效自當殫竭血誠斷不敢妄自矜誇得旨成敗利鈍固不可逆睹然汝之心可質天日非獨朕知若甘受畏憚之罪殊屬非是又奏衡永桂陽股匪未淨情形得旨汝以在籍人員能如是出力已屬可嘉著知會撫臣勦辦或有汝素來深信之紳士酌保辦理亦可又奏請嚴禁衡清二縣保甲收餉弊端又批此應亟更易者著知照駱秉章將改辦章程速行覆奏○向榮奏勦賊獲勝請飭琦善派馬隊一千名並調廣東挖罟等船至江南助剿得旨一派鋪張並非真能得手汝自廣西追賊至江南徒費多兵未見有尺寸之功尚何面目撥江北之兵斷不准行汝必要撥江北之兵可將汝首送來又批籌畫尙周恐未能盡如所請又奏請飭令劉開泰仍赴安徽壽春鎮總兵任署總兵金玉貴因打仗傷請加副將銜仍畱營調遣又批金玉貴著賞副將銜俟傷痊後即赴署任不准畱營劉開泰已授南贛鎮所請仍赴壽春著不准行汝係欽差大臣專司軍務汝營中將弁特旨簡放何得擅畱況江南地方非汝所轄殊屬多事○和春奏皖省賊勢益張請飭向榮撥兵至江北會剿得旨所籌俱是汝身經百戰自能洞悉逆情著奮勉力圖滅賊速膺懋賞已有旨諭向榮矣○命正白旗漢軍副都統布彥泰馳赴王慶坨軍營○甲辰諭軍機大臣等前據僧格林沁奏靜海賊匪竄撲王家口地方占踞村莊數處本日復據勝保奏報情形大略相同是逆匪意圖西竄王家口霸臺一帶最爲喫重雖經勝保抽撥官兵會同那敷德堵剿仍恐兵力不敷僧格林沁所帶官兵本係扼賊北竄若此時再不向前迎剿直待有北犯確信始行向西橫截已落後著見在逆匪所踞多係零星村莊大兵一到即可殄除儻稍有遲延致逆匪分布聯絡靜海大股潰圍突出勢更不可收拾僧格林沁自接奉移營前進諭旨後連日奏報均不免藉詞推諉今軍情既有變通自不必再往獨流卽著剋日帶兵徑赴王家口霸臺一帶盡力攻剿務將賊踞村莊全數奪回使西北兩路均無可竄此係緊要機宜亦即可乘之機會僧格林沁若再有推諉則平日所籌皆係虛詞竟是臨事畏憚大負朕之委任諒該大臣必不敢如是也此時賊匪占踞村莊必當趕緊剿辦不容殘喘苟延免致又成負嵎之勢見在伊勒東阿等嚴防後路該大臣必當迅速前進斷不可俟布彥泰到營再行前往致誤事機一切軍情務須與勝保和衷商榷東北與西南雖分兩路仍無異合爲一軍不得稍存畛域有誤大局將此由六百里諭令知之○論據勝保奏逆匪勢欲西竄見籌辦各摺片本日已諭知僧格林沁統領官軍移營王家口嚴密堵剿該逆乘虛肆竄是其慣伎既據奏稱王家口霸臺一帶爲遏賊西竄之衝自應扼要堵截僧格林沁節經嚴旨催令迅赴前敵會攻想日內必應趕到勝保與該大臣共辦一事或應分堵

或須合擊應如何妥密布置務須和衷商榷互爲應援萬不可稍存意見致有貽誤至逆蹤剽悍若由西而北固關緊要即折而南奔亦須籌備所稱青縣以北程官屯等處抽撥馬步隊分布之處是否足資攔截並著嚴飭帶兵各員加意嚴防西凌阿善祿防剿靜海是其專責何以屢經賊眾撲出並不能實力抵禦如有遷延疏懈情事即行據實嚴參懲辦所有見在占踞各村莊之賊務即乘其壁壘未堅迅速剿除不得任令大股續至又成負固之勢其獨流逆黨仍著亟籌攻剿務與僧格林沁隨時會商妥辦儻再遲延玩誤惟僧格林沁與勝保是問將此由六百里加緊諭知勝保並諭德勒克色楞知之○諭前因勝保軍營需餉孔亟令山西巡撫籌撥餉銀三四十萬兩已據恆春各報分別解赴直隸轉解軍營接濟並准戶部奏將直隸捐輸項下銀三萬餘兩撥解勝保軍營以備支放茲據勝保奏稱三月已來僅收晉餉十七萬兩餘均屢催未到等語見在勝保所統各路官兵應給口食竟有一二月未曾開支者若再稽延致令兵潰直隸承辦糧臺各員豈能當此重罪著桂良嚴飭藩司迅將山西解款並應撥捐輸款項星飛委解無再遲誤昨日據僧格林沁奏稱逆竄踞東河頭梁頭莊孫家莊劉木勺周家莊新莊小米莊李莊等處本日勝保馳奏靜海賊匪續又竄擾于家莊等處王家口霸臺一帶情形喫緊是賊勢被剿窮蹙欲向西南竄逸桂良辦理防堵業逾半載諒已偵探明確先期設防其應如何巡緝堵禦勿令匪蹤闖入當必早有把握著再督飭地方文武員弁嚴密布置以固藩籬將此由六百里諭令知之○步軍統領聯順等覆奏營汛將弁失察郭懸出入 天壇奏參遲延自請議處得旨所參李長清等均照前摺所擬聯順等均著交該部院察議今日回奏摺內又漏敘李長清等處分殊屬疏忽昨日有硃批候旨行三字豈未看出著再傳旨申飭○僧格林沁奏北路緊要請仍駐紮王慶坨扼截北犯得旨今日已另有寄諭見在布彥泰因有瘡疾請假數日汝若輕騎先往不若酌帶官兵若由京再發重兵前往接防實無可再發若由別省趕調更不能濟急今日寄諭接到汝自明白○革職雷任湖北巡撫崇綸奏防守省城兵力單弱雇募壯丁以張聲勢得旨兵勇不甚多自應如是扼要布置吳文鎔出省自擁多兵置省垣重地於不問殊昧大局不知輕重是視自己性命有重於地方著速傳旨吳文鎔將伊所帶之兵勇酌量撤回以固根本並將此原摺硃批寄與閱看朕豈爲保一崇綸實爲鄂省民命計也○乙巳諭軍機大臣等據勝保奏攻勦竄出逆匪情形逆匪盤踞獨流靜海三月有餘尚未撲滅淨盡見復由西南竄出占踞各處村莊雖經善祿等督兵於初二日奪回于家莊等四處並德坤等帶兵奪回梁頭等村三處而東河頭一村尚未奪回難保該逆不另謀巢穴分我兵力昨已諭令僧格林沁剋日帶兵赴王家口霸臺一帶盡力攻剿還賊西竄之衝諒已移營前進並諭勝保於南路程官屯等處加意嚴防毋稍貽誤見在已將賊踞村莊奪回七處正可乘此機會將東河頭一村力即奪回以杜賊匪分竄之路德勒克色楞計已到營著僧格林沁即與勝保趕緊會商進剿機宜既已合爲一軍該大臣等自當統籌全局合力同心會籌進剿儻仍各有意見致令逆匪再有竄逸之處朕惟該大臣等是問將此由六百里加緊諭僧格林沁勝保並諭德勒克色楞知之○福濟奏查關山係古清流關形勢險要爲自江入皖緊要門戶前因防守無人賊得避責

構虛陷鳳陽而趨豫省蔓延至今必須迅圖扼守以固藩籬惟行營兵止四百名尙有一百名未到頃接和春來咨即日進赴廬州亦斷難畱兵分駐相應請旨飭下琦善等速撥精兵二千名赴關山瀾溪臨淮一帶堵禦防賊北竄上諭前因廬州失守降旨令琦善撥兵四千名向榮撥兵一千二百名均歸和春調遣此時諒已陸續起程合計和春統帶之兵爲數不少所有琦善軍營官兵未便再行調撥見在賊踞廬州必須迅速殄滅則江北一帶可期漸就肅清福清著星速前往與和春合力進攻兵貴神速不得藉口雨雪阻滯致誤事機並飛催琦善向榮嚴飭薩炳阿秦定三將所調各兵迅速管帶赴和春軍營不可稍有稽遲該撫與和春務當勦力同心迅殲醜類臨淮關一帶前有旨令刑部郎中李文安督帶兵勇實力防剿關山等處著該撫酌量情形撥兵堵截以杜逆匪北竄之路另片奏經費支絀請仿照成案設局開捐並請將安徽江北各州縣錢糧畱抵軍需等語見在廬州待餉孔亟著卽照所議辦理該撫仍當督飭所屬籌節支發毋得稍有冒濫將此由六百里加緊諭令知之○撥內庫銀三十萬兩解赴欽差大臣勝保軍營以備軍需○丙午諭內閣刑部奏遵旨查明刊刻並未發鈔奏章人犯並將案內職官傳質明確請旨遵行一摺暫行革職之給事中吳廷溥著卽革職交刑部定擬罪名具奏給事中鳳寶等著該部仍遵前旨照例議處尋奏遵議吳廷溥發往新疆效力贖罪鳳寶等降一級畱任從之○丁未諭內閣上年冬至國丘大祀朕以偶患般疾未能親詣行禮私衷正深乾惕茲屆禘穀大祀自應敬謹舉行虔申忱悃惟微病尙未全除登降猶虞隕越若再遣官恭代則大禮久曠朕心亦覺難安因命禮臣查照遣官分獻禮節及經由道路先期具奏原爲暫省繁文期於對越之時倍昭誠敬非敢輕改舊章著爲成例本日據宋晉奏請停新議仍遵成憲一摺是於朕權宜申敬之衷尙未深喻所有此次親行禮節仍著照該衙門所議行一俟朕躬履步如恆卽當照常將事大小臣工當知朕應天以實不以文之意也○吳文鎔奏因主事楊熙移營堵城必須徑紮松楊鋪聲勢方能聯絡當卽冒雪拔營前進及至松楊鋪察看地勢平衍雪深盈尺並無紮營之處卽督率將弁仍行前進直抵堵城雪勢更大卽駐紮楊威營前上年十二月二十五日派都司劉富成等各帶兵練相機進剿行至距城數里之龍王山地方該逆分三路抗拒始則數十人一起前卻誘敵我兵占踞山梁嚴陣以待嗣有賊數千人分路撲來我兵迎擊斃匪百餘名劉富成首先衝入賊隊手刃數賊賊卽敗退我兵因山路泥滑恐有埋伏仍紮駐山梁不動該匪等旋又分撲我兵由山梁壓下轟斃賊匪數十名割獲長髮首級十數顆賊復敗竄我兵知賊中有伏不便輕追中計正在整隊問該匪又復繞路反撲我兵分兩翼迎擊殺斃百餘名賊匪逃遁另股賊匪由江邊鈔襲我兵復分隊抵擊轟斃數名旋即敗回連日伏匿不出唐樹義水師因阻風尙未進至三江口擬俟雪霽風定仍相機約會進攻上諭前因湖北潰散餘匪下竄黃州一帶降旨諭令吳文鎔督兵追剿該督行抵黃岡縣境紮營堵城地方督同主事楊熙所帶川勇合力進攻大獲全勝著卽督率將弁兵勇乘勝進攻並嚴飭唐樹義督兵前進爲水陸夾擊之計毋任蔓延○僧格林沁奏帶兵赴王家口調回多爾濟那木凱防王慶圻得旨著傳旨與培成嚴密防範勿稍疏忽見在東河頭地方尙爲賊踞確實情

形可即行奏來○琦善奏查明瓜州等處大小賊船全回金陵擬即撥馬隊渡江助剿得旨向榮已奏請調兵過江朕因金陵餘賊無多故嚴批謂汝要江北之兵可取汝首來今觀汝奏逆賊竄回太多向榮營盤無虞衝突蘇常一帶甚為可慮所撥馬隊若能設法渡江固好究不若步兵為宜可撥即撥恐向榮率有嚴批不敢再調此次批諭著寄與向榮看又奏遵撥官兵三千名交薩炳阿統帶赴皖並請飭部迅籌軍餉批續觀此奏馬隊已改撥安徽朕料汝營光景步隊尤不克再行分撥既難顧彼失此仍應嚴扼瓜州杜其北竄是時惟盼靜海之賊速平則江安之逆無難削蕩所有軍餉一節已飭戶部矣又奏潰勇傷害弁兵各行地方官嚴懲又批潰勇逃兵皆應嚴懲著通行江省各屬遇有此項滋事者一概惟其格殺勿論不徒弭患之益兼可激發隨營者上進之心又奏前因揚城勇潰賊係東竄慧成捏稱由南門竄出強顏護過又批汝為統帥咎無可辭慧成不肯為汝下亦是實情至汝駛伊其分其咎一語是汝疑慮過甚總因從前汝未顧東路東路諸臣亦未籌及西面朕平心而論厥咎維均此數語可洞鑒汝之肺腑○戊申諭內閣工部右侍郎玉明和碩額駙恩醇每遇緊要差使輒先期藉詞請假今日又均以舊疾復發請假數日殊屬有意規避玉明著革去工部右侍郎恩醇著革去管理嚮導處事務並無庸署理鑲藍旗護軍統領以示薄懲○諭軍機大臣等前據和春奏與舒興阿面商分撥官兵舒興阿以官兵僅敷調遣為詞再三婉商不肯允行旋據袁甲三將和春所致信件呈覽內稱舒興阿近在西路並不通信於十八日差人送文三件聲明八百里飛催該提督前往倒填十五十六等日期是舒興阿與和春顯有意見不合本日據舒興阿奏則稱和春來營面商後即赴店埠疊次備文移催迄未見覆嗣接該提督來咨又有將陝甘官兵留於西面防守之語請飭該提督將所撥之兵調取統帶等語究竟該提督當時如何與舒興阿婉商舒興阿所稱令和春將兵帶來以便就近撥給官兵之說是何意見所稱疊次備文移催是否即和春所指倒填月日之文和春既謂兵單何以咨覆舒興阿文內又將陝甘官兵留於西面是否因舒興阿前此不肯分撥遂不願調取舒興阿見奏所帶各路官兵共止六千餘名何以該提督前奏輒稱兵勇萬餘名均著和春詳細查明據實具奏見在舒興阿業已革職廬州各路援兵均歸和春調遣自不慮有掣肘著即趕緊分撥進攻迅圖克復不得專待江南北分調之兵致滋玩誤琦善昨奏派薩炳阿帶馬步官兵三千名赴廬州協剿此時如未到皖亦著飛催前進其北路防堵事宜即與福濟袁甲三妥商籌辦毋稍疏虞將此由六百里諭令知之○江西巡撫張芾奏賊擾饒州已革通判王煊宇先期出城查點木植嗣後被擄罵賊遇害全家殉難請開復予卹得旨王煊宇聞警先期出城追闖母病即赴饒省視責以有家而不顧國即明正典刑尚不足蔽辜乃因為賊所殺即裝點各情謂其罵賊不屈謂其因查木植不過為袒護情面王煊宇著不准開復原官亦無庸議給卹典其家屬及伊子著仍准其議卹○調載齡為工部右侍郎兼管錢法堂事務培成為工部左侍郎以伊勒東阿為理藩院右侍郎

由正白旗
軍統領選

○己酉諭內閣

關奕興等奏團練緝捕無論旗民均准其置備鳥槍並於槍上鑿字以備稽查造冊報明

充爲公用遇有盜匪持械逞兇拒捕者卽用烏槍轟擊依律格殺勿論該將軍等卽嚴飭地方官明白曉諭實力稽查如有挾嫌致斃良民及私藏不鑿字號烏槍者仍照例治罪○諭軍機大臣等慧成奏營中存兵無多不能成隊請統帶調往廬州之原管熱河宣化徐州各營兵馳往安徽督同查文經等協剿一摺慧成自到揚州以來株守灣頭及至勇潰賊竄一籌莫展屢次報奏無非與琦善齟齬爭辯於軍情布置毫無實際茲又欲將撥往廬州之兵自行帶往仍係不歸琦善調遣意見有心取巧卽准令前赴廬州亦不過攤兵自衛於事何濟見在皖省諸軍統歸和春調遣原以一事權而肅軍律若再添派帶兵大員轉致掣肘貽誤慧成著不准前往安徽仍在揚子橋一帶力圖堵禦賊匪以贖前愆昨據琦善奏酌撥馬步官兵三千名交薩炳阿帶往廬州惟薩炳阿前已派赴六合見飭錫綸前往更換等語刻下皖省情形萬分緊急赴援之兵勢不可緩著琦善卽飛催薩炳阿星速帶兵馳赴安徽毋得稍有延誤慧成既歸琦善調遣則江北一帶防剿均應責歸琦善當此剿匪喫緊之際該大臣惟當激發天良督飭帶兵各員力圖肅清江口若仍任其積習各存意見冀圖洩憤以致再誤事機朕必重治該大臣之罪不能盡歸罪於慧成如慧成等不聽調遣朕亦必執法從事決不寬貸將此由五百里諭知琦善並傳諭慧成知之○勝保奏密籌圍攻獨流靜海逆匪見已宣示各兵勇破壘先登立予優獎得旨卽有一二人奮勇先登徒傷無益全局之計至緊要也汝等安辦毋俾再滋蔓延又覆奏礮位震傷因正在禦敵未卽查驗請交部議處批此節亦不必議處汝總以剿盡逆匪方爲不負朕委任若先自以爲不能取信則大誤也朕若疑汝何不撤回或殺之皆因汝先不自信故未能仰體朕衷又奏賊糧已盡見獲賊犯供稱靜海西邊有人運賣糧草藉雜等物請飭西路官兵認真巡緝斷賊接濟又批著知照僧格林沁嚴查懲辦雖東路未據供出亦難保其必無又奏那敷德會同桂齡等初三日進剿東河頭賊匪昭烏達兵格吉噶爾當先擊賊將賊殺退又批蒙古兵此次在軍營甚爲出力格吉噶爾尤屬奮勇著卽行保奏○庚戌諭內閣勝保等奏乘夜督兵攻克獨流餘匪潰竄一摺本月初八日勝保督率各路兵勇進攻逆匪於亥刻直抵獨流水壘越壕而進兵勇踊躍先登守壘之賊俱被擊斃大兵隨後齊進開放槍礮直向賊巢轟擊燒毀木壘該逆猶復拚死抗拒我兵斃賊無數奪獲烏槍擡槍旗幟百餘件贏馬數十匹又將街內各處藏匿之賊接殺二百餘名餘匪紛紛奔竄該大臣見派魁福帶領馬隊跟蹤追剿又派天津西甯正定步隊隨後繼進見在王家口一路有瑞昌帶兵堵禦青縣唐官屯一帶有利慶崇恩帶領馬步官兵扼守苑家口一帶有利慶慶祺督兵堵截又有西凌阿善祿帶領馬隊追擊著該大臣等督飭各路官兵四面兜剿迅掃賊氛毋令紛竄○諭軍機大臣等勝保奏獨流逆匪向西南奔竄督兵追剿等情一摺覽奏曷勝憤懣逆匪占踞獨流以來屢次諭令該大臣嚴密堵截無任竄逸以期聚而殲旃卽該大臣屢次奏報亦云賊勢窮蹙已極且布置周密賊匪無路可竄朕日望捷音以爲盡期必能掃蕩乃本日據奏獨流逆匪於初八日夜向西南奔竄或奔靜海或奔河西尚未可定等語是獨流之賊全股竄出且並不知逃往何處比及偵探明確派兵剿擊而賊蹤已遠又成尾追之勢該大臣統領大兵數萬有餘布置數月之久乃竟任令久困餘

匪奔突而出僞復占踞要隘賊勢益張近畿一帶生民又遭荼毒該大臣等自問當得何罪另片奏子牙鎮爲糧米所聚僧格林沁咨令瑞昌紫營王家口以南等語本日已諭令僧格林沁即折回王慶坻防堵仍將所帶之兵一千餘名歸勝保統帶如僧格林沁未赴王家口即著勝保將此項官兵飛調前來以資攻剿所有瑞昌那敷德史榮椿等所帶之兵均歸勝保調遣如僧格林沁不肯將各官兵交付即著勝保傳旨飛調仍一面據實參奏如帶兵各員不聽調度並著嚴參治罪勝保身爲統帥既經貽誤於前已屬罪無可追德勒克色楞及西凌阿善祿等俱係幫辦之員均難辭罪趁此賊匪狂奔喘息未定前截後追正可殄滅無餘儻再失機會致令餘匪復肆鴟張或竄踞他處負隅固守朕必將勝保等一併從重治罪現在僧格林沁所帶官兵添撥勝保軍營已嚴飭僧格林沁不得掣肘該大臣統領重兵事權既已歸一防剿均難卸責若不迅殄賊氛更有何顏對朕耶將此由六百里加緊諭知勝保並諭德勒克色楞西凌阿善祿知之○諭前因靜海逆匪竄據東河頭等處地方諭令僧格林沁帶兵竟赴王家口霸臺一帶攻剿昨據勝保奏該大臣於初六日至王家口而僧格林沁並未奏報本日據勝保等奏督兵攻克獨流逆匪向西南潰竄又稱賊颺東河頭直通子牙鎮該處西通大城南通青縣勝保於初六日已令瑞昌馳往堵剿初九日接僧格林沁咨令瑞昌紫營王家口以南不必往子牙鎮各等語官兵克復獨流逆匪紛竄西南一帶尙無定局子牙鎮爲糧米所聚若竄踞該處又成負隅之勢剿辦更難得手勝保既令瑞昌帶兵前往堵剿何以僧格林沁竟行截留遲至三日始行咨明勝保實屬不知緩急該大臣與勝保共辦一事當此軍情萬分喫緊自應合力同心統籌全局豈可堅執意見致令掣肘就目下賊情而論王慶坻乃係西北要隘布彥泰病尙未痊一時尙難前往著僧格林沁即行折回王慶坻探賊所向實力堵剿所有瑞昌那敷德史榮椿及僧格林沁帶赴王家口各官兵均著交勝保調遣以備攻剿如僧格林沁此時尙未赴王家口亦即將前此奏明帶往之兵一千餘名迅交勝保調撥毋許擅留再有貽誤至培成伊勒東阿所帶官兵仍歸僧格林沁統帶逆匪潰竄志在狂奔務當偵探明確相機堵剿兵貴神速最忌牽制該大臣屢奉諭旨遲回不決已失事機若再有延誤恐不能當此重罪也將此由六百里加緊諭令知之○諭本日據勝保奏乘夜攻剿獨流焚燒木壘殺賊千餘名賊匪奔竄並占踞東河頭地方且通子牙鎮該處西通大城南通青縣爲王家口唇齒等語見在逆匪意圖奔突賊蹤靡定已飭令勝保督帶各路官兵前截後追靜海西南一路最關緊要著桂良速派得力將弁於各處要隘嚴加防守並探明賊蹤扼要堵截萬不可令該逆再踞要隘地方致成負隅之勢剿辦更難得手該督務當熟籌緩急嚴密布置毋誤事機將此由六百里加緊諭令知之○貴州學政黃綬奏訪獲私塾學政關防人犯訊稱夥犯未獲勢必隨棚招搖汚臣名節得旨著知照蔣蔚遠從嚴懲辦又批即使該犯撞騙得財事後必能被獲於汝名節何干汝以欽命官與該犯較量錙銖殊覺見識未廣朕以小事觀之汝止知顧一己之名亦屬習氣太重嗣後務須存大識見○辛亥祈穀於上帝○諭內閣王懿德奏閩省營務廢弛情形一摺福建地處海疆額設水陸各營除每年赴臺換防外內地存兵數逾四萬有奇如果統兵將弁平日認真練閱嚴敷處伍

慎重防範偶遇地方有警足資捍禦乃近日漳泉各屬竟有富家子弟賄買名糧一逆徵調半係頂雇當差積習相沿殊堪痛恨至水師巡洋捕盜所修戰艦豈容不肖營員偷減工料見在該省土會各匪經王諶德督兵剿辦漸就肅清所有水陸各營從前積弊亟應力圖整頓著王懿德會同署總督有鳳督飭將弁各官破除情面實力整飭如有前項弊端一經查出即將該管官從嚴參辦毋稍寬縱○壬子諭內閣吏部奏遵旨議處一摺江西巡撫張芾陳奏截留銀兩濫保員弁率多任意妄行其守城兵餉亦多冒濫朕於摺內批示加之訓誨原係成全造就之意乃張芾負氣逞詞曉曉置辯並於另片奏稱疑尙書陳孚恩有不合朕心之處力陳該尙書小心謙謹守城時積勞成疾忽奉嚴旨若非言官糾彈即係大臣挾嫌攻訐等語尤屬可笑賞罰之權操之自上朕獎功黜罪一秉大公無論言官糾劾總須察有實據分別示懲從未嘗以風聞影響之詞遽加罪戾即左右大臣如有挾嫌攻訐之事亦豈能逃朕洞鑒陳孚恩守城出力業經賞戴花翎伊子陳景謨亦賞戴藍翎並未沒其微勞何至紳士等羣情渙散如張芾所云也張芾身任封圻敢以私意揣測朕衷實屬膽大糊塗不堪造就著照部議即行革職○諭軍機大臣等據奉命大將軍惠親王並恭親王奕訢將勝保德勒克色楞額麟信函二件呈覽知靜海獨流逆匪全股西竄僧格林沁已馳抵大城與賊接仗勝保疾趨霸州扼其北竄該大臣等奉旨勦賊日久無功致令乘虛奔突即將該大臣等以軍法從事亦不足惜惟畿輔近地事機緊急該大臣等果稍有天良必當趁該逆奔竄未定之時盡力堵禦迅速剿除以贖罪戾見已諭知僧格林沁即由文安大城一帶督兵截擊不得令該逆更向西南紛擾尤不可任令北竄勝保意在由北而南分途截剿徑赴霸州但自大城而西北尙隔保定任邱等縣及東西淀會同河若令過河而西將更不可收拾本日已命大將軍等將東路三營移紮東安固安涿州爲黃村前敵著德勒克色楞額到諭旨即行揀帶精銳官兵一千名兼程馳往固安駐紮防守所有黃村東安固安涿州通州盧溝橋等處官兵統歸德勒克色楞額節制其餘該員子所帶各兵統交瑞麟管帶隨同勝保前往迎剿該大臣可以無須兼顧北路即刻督兵南向扼賊北竄極力截殺與僧格林沁隨時知照爲夾擊之計萬不許令該逆再有占踞地方或竟敢窺伺保定省垣該處爲京師屏蔽財物充阜尤不可稍有疏虞勝保當探明賊蹤迅督各路官軍層層布置迎擊兜剿不得更以積冰積水爲詞稍事迂緩仍與僧格林沁德勒克色楞額西凌阿善祿桂良時相知照密籌防禦該大臣等負罪已深此時暫勿加譴若再不將該逆悉數掃除但有一處蔓延必將該大臣等就地正法勿謂寬典可冀倖邀也仍將進兵機宜及賊情如何星速由驛馳奏軍情緊急一切奏報不必拘泥繕寫楷書總以據實迅奏爲要將此由六百里加緊諭知勝保德勒克色楞額並諭西凌阿善祿瑞麟知之○諭前因僧格林沁會否已至王家口未據奏報特降諭旨令其折回王慶坨以防西北要隘本日據奉命大將軍惠親王等奏接到勝保等來函並探報情形僧格林沁已在大城地方與賊接仗殲斃逆匪數百名是該大臣已追賊南下事機緊要若仍拘泥諭旨遽行折回恐逆匪竟奔西南保定一帶又被滋擾僧格林沁即行追趕不可使該逆稍畱喘息之地勝保因恐驅賊北上已帶兵馳赴霸州爲迎頭邀截之計本日亦諭令迅速

由北而南迎頭截擊其北面各路已於涿州固安東安三處及後路之黃村節節布置已有兵五六千名並令德勒克色楞暫回固安調度北路諸軍該大臣等可無後顧之憂總以盡力追殺爲要無恤其他勝保不能嚴密防範格林沁屢次遲回不進以致逆匪紛竄若按軍律治罪該大臣等均無可辭若再不痛加勦洗稍贖前愆自問數月以來老師糜餉更有何面目對朕耶直隸保定省城爲京師屏蔽防守甚關緊要昨據桂良奏唐官屯宛家口等處皆止官兵百餘名勝保所奏續派明慶瑞昌瑞麟慶祺等分堵之兵未知到否即使趕到已落賊後儻保定稍有疏失朕惟僧格林沁勝保是問連日接仗如何情形即著迅速具奏軍情緊要一切奏報不必拘泥繕寫楷書總以迅速具奏爲要毋稍遲延貽誤將此由六百里加緊諭令知之○以陳散邁爲江西巡撫調麟桂爲江蘇布政使以韓椿爲浙江布政使由福建按察使遷○癸丑僧格林沁奏臣遵旨移營於初六日馳抵王家口初九日該逆全股撲向西南逃竄臣飛督拉木棍布札布綢關那敷德帶領馬隊官兵一千餘名跟蹤追至子牙鎮迤南奮勇擊殺計自子牙鎮至張家莊六十餘里賊屍枕藉約斃長髮賊一千餘名生擒六十七名初十日丑刻仍督兵追擊該逆沿路拋棄衣服意在我兵檢拾以便脫逃當傳飭各兵如有拾取物件者以軍法從事一面督飭痛加勦洗該逆後隊約有六七百名全數殄滅並殺斃賊目四名適西凌阿等帶領吉林黑龍江馬隊趕到即令合爲一軍向前追殺復又斃賊三四百名該逆竄入東城村向外施放槍礮維時已亥亥刻傳令撤隊十一日我軍分五路進兵以一路擊其中隊以兩路擊其左右其餘兩路以防該逆鈔襲該逆見我兵嚴整仍退入村內

臣未能攜帶大礮難以轟擊逆匪雖不兇猛而狡猾異常臣所帶馬隊僅三千餘名不敢遽行攻撲惟有嚴防北面一俟後路官兵到時合力夾擊並飛咨勝保派兵援應及轉行培成多爾濟那木凱速往河間保定迎截上諭內閣僧格林沁奏連日督兵追剿逆匪大獲勝仗一摺逆匪屢經我兵攻剿窮蹙全數潰圍逃竄僧格林沁督帶馬隊官兵沿途追擊斃賊二千餘名勦捕尙爲迅速著該大臣督飭各路大兵趕緊兜圍並著勝保統帶馬步各隊飛速前進合力夾擊務期盡殲醜類毋令竄逸○諭毓通奏霍碩特正盟長貝子多爾濟那木扎勒等捐備軍需呈請轉奏請旨一摺霍碩特正盟長貝子多爾濟那木扎勒副盟長扎薩克頭等台吉棍齊克扎普扎薩克頭等台吉拉什德勒克聞軍務未竣情願各捐銀一千兩夜柙出於至誠深堪嘉尚惟該貝子等此項銀兩借資生計著毓通轉行曉諭多爾濟那木扎勒等所捐銀兩著毋庸賞收以示朕於恤蒙古之至意○諭前因揚州賊匪竄突東路鄉勇潰散職員張瑚國帶兵防禦不能固守業經降旨將該革員發往新疆充當苦差復經雷以誠奏稱張瑚國曾在施家橋擊賊獲勝當交琦善確查具奏茲據該大臣查明張瑚國自勇潰之後並未與賊接仗著仍遵前旨將張瑚國發往新疆充當苦差○諭軍機大臣等僧格林沁奏督兵追剿賊匪連次大獲勝仗一摺獨流逆匪全股向西南逃竄經該大臣督帶馬隊連日跟追先後殲擒賊匪二千餘名僧格林沁初次與賊接仗即能激勵將士痛加勦洗且跟蹤緊追行走迅速尙屬可嘉見在逆匪竄踞東城村西凌阿等所帶馬隊均已趕到僧格林沁見帶馬隊三千餘名在東城村外屯紮正可乘其喘息未定盡力攻擊並嚴飭各路弁兵認真

由北而南迎頭截擊其北面各路已於涿州固安東安三處及後路之黃村節節布置已有兵五六千名並令德勒克色楞暫回固安調度北路諸軍該大臣等可無後顧之憂總以盡力追殺爲要無恤其他勝保不能嚴密防範格林沁屢次遲回不進以致逆匪紛竄若按軍律治罪該大臣等均無可辭若再不痛加勦洗稍贖前愆自問數月以來老師糜餉更有何面目對朕耶直隸保定省城爲京師屏蔽防守甚關緊要昨據桂良奏唐官屯宛家口等處皆止官兵百餘名勝保所奏續派明慶瑞昌瑞麟慶祺等分堵之兵未知到否即使趕到已落賊後儻保定稍有疏失朕惟僧格林沁勝保是問連日接仗如何情形即著迅速具奏軍情緊要一切奏報不必拘泥繕寫楷書總以迅速具奏爲要毋稍遲延貽誤將此由六百里加緊諭令知之○以陳散邁爲江西巡撫調麟桂爲江蘇布政使以韓椿爲浙江布政使由福建按察使遷○癸丑僧格林沁奏臣遵旨移營於初六日馳抵王家口初九日該逆全股撲向西南逃竄臣飛督拉木棍布札布綢關那敷德帶領馬隊官兵一千餘名跟蹤追至子牙鎮迤南奮勇擊殺計自子牙鎮至張家莊六十餘里賊屍枕藉約斃長髮賊一千餘名生擒六十七名初十日丑刻仍督兵追擊該逆沿路拋棄衣服意在我兵檢拾以便脫逃當傳飭各兵如有拾取物件者以軍法從事一面督飭痛加勦洗該逆後隊約有六七百名全數殄滅並殺斃賊目四名適西凌阿等帶領吉林黑龍江馬隊趕到即令合爲一軍向前追殺復又斃賊三四百名該逆竄入東城村向外施放槍礮維時已亥亥刻傳令撤隊十一日我軍分五路進兵以一路擊其中隊以兩路擊其左右其餘兩路以防該逆鈔襲該逆見我兵嚴整仍退入村內

增截毋令再有竄逸勝保統領大兵由北而南見在行抵何處並未據奏報兵貴神速見當追剿喫緊之際豈得再有遲誤勝保前在山面追賊甚爲迅速此次何以藉按捕餘匪冰水難行爲詞至今尚未趕到豈以追賊之事竟諉之僧格林沁耶北路一帶昨已諭令德勒克色楞帶兵一千名馳往固安所有黃村等處官兵統歸節制僧格林沁勝保此時總以合力夾擊迅殲逆寇爲要若因北路牽制攻剿轉難得力著卽督兵迅速前進併力兜圍斷不准任令賊匪占踞鄉村擾撲城邑又成負隅之勢僧格林沁與勝保督兵數月攻剿既未得手防範又有疏虞致賊竄逸已屬罪無可追若再不同心協力迅殲賊氛自問當得何罪前撥內庫銀三十萬兩已分別解赴兩處軍營著該大臣等分飭糧臺派委委員迅速迎提毋稍疏失將此由六百里加緊各諭令知之○諭本日據王履謙奏豫省吏治廢弛軍需浮冒河工糜費一摺據稱豫省州縣紛紛調署公事廢弛甚至規避處分調濟屬員五月間汴梁被圍藩庫存銀三十餘萬兩幾爲一空懷慶解圍後辦理防守事宜支發不及二萬稟報至八萬餘兩之多前署河南府知府李潔官聲本屬平常借防堵爲名擅動發商生息銀兩至河工錢糧東河每年不下一百四五十萬兩實在辦工不及十分之六任情揮霍種種糜費各等語見在防堵喫緊之際各州縣豈容任意調署無所專責其支發各款豈可浮濫報銷至數倍之多著英桂飭令藩司鄭敦謹逐款句稽據實查辦並將浮冒各員嚴行參處其河工歲料著長臻詳細查明應如何革除浮費俾錢糧皆歸實用安定章程具奏原摺著摘鈔閱看將此由五百里各諭令知之○諭修 天壇牆基○以徐宗幹爲福建按察使由臺灣○甲寅諭內閣宋晉奏添陳因循積習難挽請慎行賞罰一摺朕自御極以來兢兢業業四載於茲當此國計艱難民生彫敝未嘗不深宮循省寢饋難安上年特頒手詔力戒因循原期中外臣工力除積習用副朕勤求治理之心若徒事虛文日申詒誡究於實政何裨自逆匪肆擾統兵債事各員失律喪師均屬罪無可逭或立予重懲或由部臣定擬情節既有不同罪名豈能一致朕賞功罰罪權衡輕重一秉大公卽如守城出力各員無不立沛恩施或諸臣不能承受朕恩自招罪戾亦不得因其出力在先概從寬宥有總之各部院大臣陳奏事件必期確有實際俾可見諸施行若徒以空言一奏爲沽名市譽之地亦難逃朕鑒也○諭前有旨令德勒克色楞揀帶精銳官兵一千名在固安一帶防守見在德勒克色楞已同勝保統帶大兵兜剿逆匪著改派載齡馳赴固安駐紮統帶固安東安黃村涿州通州蘆溝橋等處官兵各路帶兵大員均歸調遣○僧格林沁奏逆匪蟻聚河間所屬束城村並將附近之桃園西成二小村屯踞以爲犄角臣因兵力太單兼之官兵於冰雪之中目不交睫者數日未免勞苦是以亟盼勝保慶祺等策應此時若操之過急一經四潰則散漫無制若竟不乘勢攻打又恐該逆得以休息刻已飛催勝保等速來及時合圍痛剿卽可聚而殲旃並請密飭直隸山東各省一體防截各固疆圉以免疏虞 上諭軍機大臣等前因逆匪全股西竄諭令德勒克色楞帶兵一千名馳往固安駐紮以防北路本日據勝保德勒克色楞奏已於十二日馳赴任邱先帶馬隊前往軍營與僧格林沁會商剿辦等語見在賊踞米家莊束城一帶任邱去該處甚近正可乘機剋期進剿德勒克色楞著毋庸折回固安卽與勝保統帶各兵趕赴前敵會同僧格

林沁併力圍剿其後路未到之兵均著嚴提前進不准藉詞逗遛至北路一帶本日已命載齡前赴固安所有黃村等處官兵統歸調遣該大臣等著卽懷遵疊次諭旨同心協力四面兜剿迅殄賊氛斷不准再令竄逆滋擾其慶祺瑞齡所帶之兵或暫留任邱防守或調赴前營均著該大臣等相機調度總之軍情變幻靡常惟在臨時酌度緩急隨機應變切不可有用之兵置之無用之地將此由六百里加緊各諭令知之○諭福濟奏安徽徵收錢糧請暫行變通一摺據稱皖省廬鳳類所屬州縣去年下忙地丁分釐未解緣鳳陽等處率以制錢一千八百文作銀一兩近來銀價日昂不敷報解一議加增人情惶駭且自賊匪滋擾小民流離遷徙實有未能盡徵之勢請將完善之區本年上忙新賦准交制錢一千作銀一兩暫行變通等語地方應納錢糧向有定例原不可輕易更張該撫所奏體恤民情兼可接濟軍餉是一時權宜之計卽著照所議辦理若元氣稍復仍著按照舊章徵收不得援以爲例將此由六百里諭令知之○諭昨據僧格林沁奏獨流等處賊匪全股潰圍逃竄連日督兵追擊大獲勝仗該逆竄入束城村見在進兵追擊本日據勝保奏十二日馳抵任邱探知該逆竄踞米家莊束城一帶卽日帶兵前進與僧格林沁合力兜剿各等語逆匪利在狂奔且聲東擊西是其慣技見雖竄往西南仍去天津不遠著文謙督飭分守各路兵勇接捕餘匪嚴密防守毋得稍有鬆懈靜海獨流各村莊業已收復該處百姓慘遭荼毒蕩產破家深堪憫惻著卽督飭地方官妥爲安撫毋令一夫失所並嚴催張起鵬迅速隨營支應糧臺前由京解往餉銀妥慎收撥毋稍疏忽○乙卯諭軍機大臣等見在靜海獨流賊匪全股竄出屯聚河間所屬之束城村經僧格林沁疊次斬擒大獲勝仗勝保等亦由任邱督兵前進會同剿辦該逆情形窮蹙難保不分投四竄西南兩路雖經派兵堵截惟該逆聲東擊西是其慣技河間接壤山東德州尤爲喫重其河南之武安涉縣與山西之黎城潞城等處爲該逆入直來路尤當先籌防範其山東臨清上下毗連直隸處所尤防零匪竄入豫省之河北各縣與山西之東北凡有鄰近直隸各要隘均宜一體設防著張亮基恆春英桂督飭文武員弁嚴密巡查實力堵禦毋許匪蹤闖入張亮基駐紮德州尤當激勵將士申明紀律勤加偵探與僧格林沁勝保大營聯絡聲勢隨時知照一切靜海獨流雖已收復東路武定一帶仍須密飭防範不可稍涉大意將此由六百里各諭令知之○向榮奏遵旨籌撥官兵馳應皖北並江南防剿情形得旨汝在江南日久無功不思設法剿洗乃率請飭赴江北明係兵力較單可以誘過於人殊屬無恥○丙辰諭內閣戶部奏議籌浙江海運章程一摺本年浙江省辦理海運改由劉河口受兌一切經理事宜業經浙江巡撫黃宗漢派員妥辦惟該處海口係江蘇所轄若專令浙江委員催辦尙恐呼應不靈致有貽誤著治良許乃釗立即派委大員並熟諳海運之員駐紮劉河會同浙江委員設局安速籌辦不得稍分畛域至海船駛抵天津以後應用剝船著桂良督飭天津道府寬爲豫備以濟剝運其江蘇省海運事宜仍著該督撫迅籌具奏毋許藉口軍務因循延宕致誤正供○湖南巡撫駱秉章奏遵查咸豐二年七月粵逆竄擾益陽知縣陳應台未能將河面船隻收至北岸以致潰匪搶渡實屬失於防範請革職免議得旨陳應台不收船隻致令逆匪得以搶渡罪無可寬乃駱秉章故意開脫並因所奉札文在後

以爲非有意抗違試問卽無札飭船隻顧不必收耶逆賊竄擾數省雖非陳應白一人之罪但該犯身爲縣令事前既疏於防範事後又捏稟回城救援規避情形已屬顯然駱秉章僅科以失盜從重例已革罷議不但謬妄已極實屬回護習氣太重駱秉章兩任湖南尚不知振作無恥已極況此案係前歲之事至去年臘月已逾一年又非命盜之案人證難齊不過故稍時日減緩該犯之罪料朕不咎既往含混批交部議有意取巧尤堪痛恨駱秉章著交部議處陳應白著刑部從嚴定罪具奏尋奏陳應白從重發往新疆效力贖罪從之又奏駱秉章請照溺職例革職得旨駱秉章著改爲降五級留任不准抵銷○丁巳諭內閣德勒克多爾濟等奏土謝圖汗車臣汗二部落之汗王等捐輸銀兩呈請轉奏請旨一摺土謝圖汗車臣汗二部落見經管理游牧旗務與未經管理之汗王貝子公扎薩克白吉開散頭二等台吉等情願將本年正月應領俸銀扣存部庫備撥軍餉忠悃出於至誠深堪嘉尚惟該汗王等此項俸銀藉資當差所捐銀兩著毋庸賞收以示朕矜恤之至意○諭軍機大臣等據慧成奏勇頭高鴻猷李興清卽李三闢本係捻匪前經楊殿邦派在揚州防剿至慧成接管各勇相繼潰散近聞李興清之勇蟻聚泗州靈璧交界之高興集地方恐於進攻廬州後路有礙等語前據袁甲三奏李興清自揚州潰逃後在靈泗交界地方以招勇爲名聚集二三千人蹤迹叵測已派臧紆青會同靈璧縣嚴密查拏是否拏獲未見續奏見在廬州尚未收復該處拏匪難保不乘機滋擾與逆賊勾結爲患著福濟卽飭帶兵員弁及地方文武迅速掩捕並知照和春袁甲三一體設法誘擒勿令與逆匪勾結再致蔓延將此由六百里諭令知之○巡防王大臣奉命大將軍惠親王等奏遵查侍衛軍與帶兵駐紮定福莊巡防先後拏獲形迹可疑人犯二起業經審辦奏結此外拏獲人犯數起審問俱無證據由附近村民保釋並無縱放奸匪之事得旨該侍衛所討保釋放者非廢弛而何若云伊營內並無疏懈其誰信乎第見當巡防喫緊之際驟易生手恐難得力著仍飭令該員赴前路防堵自應倍加奮勉以觀後效此次殊批可傳與卑輿知之又奏審明被賊襲脅人犯石寶山代買火硝二次僅止引路並未隨同打仗請發黑龍江給兵丁爲奴批石寶山代買火硝情節尤重豈能僅科以指引道路究與甘心代買火藥者有間試問火硝何用與火藥何以分別又豈能以並未打仗爲從寬之據愚民無知從賊殺人尙迫於不得已甘心代買心迹悖亂已極石寶山著照軍法從事卽行處斬○步軍統領聯順等奏遵旨會議南營兵丁擬分三廠按日操演五城壯勇擬歸團防處彙齊訓練得旨據奏按日操演是何演法若徒有具文終屬無益汝等團防處所辦之事藉以消弭竊案則可並非用以豫防逆匪何如是之張皇爲也著一切仍循照舊章以歸覈實○戶部右侍郎王茂蔭等奏籌辦團防彈壓布置必須得人請飭通政使崇實前任葉爾羌幫辦大臣倭仁會同辦理得旨京內精兵數有十萬團練斷不能有益徒覺頭緒繁冗所請著不必行崇實人頗勇敢朕另有用處倭仁斷無幹濟之才況此事非伊所長此必何桂珍所保許者所請該二員著亦不准行○革職理藩院尙書恩華卒予大品頂帶○戊午諭軍機大臣等前有旨令琦善撥兵四千名向榮撥兵一二千名馳赴安徽歸和春調遣嗣據琦善奏派馬步官兵三千名交薩炳阿管帶由浦口大合徑達廬州向榮奏派撥楚兵一千